



VISCHNAUNCA DA SCHLUEIN

## **Regulativ da taxas tier igl uorden da sepultura e santeri**

**Approbaus entras la suprastanza communal dils 2 d'uost 2016**

**Entrada en vigur: 01-01-2017**

## **Cuntegn regulativ da taxas tier igl uorden da sepultura e santeri**

			Pagina
art.	1	Taxas sepultura	3
	2	Prestaziun dalla vischnaunca	3
	3	Taxas mantenimnet fossa	3
	4	Ulivaziun dalla carischia	4
	5	Engrada en vigur	4

## REGULATIV DA TAXAS TIEGL UORDEN DA SEPULTURA E SANTERI

Sebasond sin art. 9 digl uorden da sepultura e santeri, relai la suprastonza comunala da Schluein il suandont regulativ:

### art. 1

Taxas sepultura <sup>1</sup> Tuts cuosts da sepultura, sco p. ex. metter en bara, furniziun davischi e crusch da lenn cun inscripziun ni transport dil vischi tier la caplutta da morts van sin quen dils artavels ni parents.

<sup>2</sup> Per sepulturas vegn mess a quen las suandontas taxas pauschalas per las prestaziuns dalla vischnaunca:

	dimora a Schluein	dimora buc a Schluein
a) per satrada en vischi	gratuit	frs. 1'000.--
b) per fossa cun urna	gratuit	frs. 700.--
c) per urna en fossa comunabla incl. platta da crap gravada cun num, prenum, onn da naschientscha e da mort	frs. 2'000.--	frs. 2'800.--
d) per urna en fossa comunabla incl. platta da crap gravada cun onn da naschientscha e da mort ed in segn (fossa anonima)	frs. 1'900.--	frs. 2'700.--
e) per affons	gratuit	frs. 250.--
f) exhumaziuns	tenor lavur	tenor lavur
g) cavar fossa per urnas	frs. 200.--	frs. 200.--

<sup>3</sup> Sco affons valan tuttas personas sut 7 onns.

### art. 2

Prestaziuns dalla vischnaunca <sup>1</sup> Las prestaziuns dalla vischnaunca cumpeglian suandonts puncts:

- a) curclar la fossa;
- b) diever dalla caplutta da morts;
- c) empristar la rama da lenn per 12 meins, organisar e tschentar quella;
- d) engravar (num, prenum, onn da naschientscha e da mort e segn) dil defunct sin la platta da crap per la fossa comunabla;
- e) tgirar ils ornaments florealis sin fossa comunabla;
- f) dismetter fluras e matgs dalla fossa etc;
- g) publicaziuns ufficialas;
- h) menar ils registers tenor uorden da santeri.

<sup>2</sup> Per cavar la fossa cun vischi vegn supplicau da mirar directamein cun il cavafossas communal (ABAS AG, S. Decurtins), Cuera.

<sup>3</sup> Prestaziuns dalla pleiv ein buca cumpridas.

### art. 3

Taxas  
manteniment  
fossa

<sup>1</sup> Il manteniment dalla fossa sa vegnir surdaus alla vischnaunca. La vischnaunca incessescha suandontas taxas pauschalas:

	dimora a Schluein	dimora buc a Schluein
a) manteniment fossa cun bara per 1 onn	frs. 360.--	frs. 360.--
b) manteniment fossa cun urna per 1 onn	frs. 240.--	frs. 240.--
c) mantenimnet fossa cun bara per igl entir temps da ruaus	frs. 6'000.--	frs. 6'000.--
d) manteniment fossa cun urna per igl entir temps da ruaus	frs. 4'000.--	frs. 4'000.--

### art. 4

Ulivaziun dalla  
carischia

<sup>1</sup> L'adattaziun dallas taxas succeda entras la suprastanza communal tenor ils basegns.

<sup>2</sup> Aschigleiti ch'igl index naziunal dils prezis da consum (stan zercladur 2016 = 100.7 puncts) semida per pli che 10 puncts addatescha la suprastanza communal las taxas.

### art. 5

Vigur

<sup>1</sup> Quest regulativ ei vegnius approbaus dalla suprastanza communal ils 2 d'uost 2016 ed entra en vigur per igl emprend da schaner 2017.

<sup>2</sup> Tut las anteriuras prescripziuns dalla vischnaunca cuntradictorias vegnan abolidas cun l'entrada en vigur da quest regulativ.

Il president communal:

Il scarvon communal:

Bruno Wellinger

Marco Tschuor

Las midadas dils artechels 1, alinea 2 e 2, alinea 1 ein vegnidas approbadas dalla suprastanza communal il 21 da mars 2017 e van en vigur pigl 1 d'avrel 2017.

Il president communal:

Il scarvon communal:

Bruno Wellinger

Marco Tschuor